

عسل بالخل [] _) أساسيات الطريق إلى الله)

علاء حامد

الحمد لله واشهد ان لا اله الا الله وحده لا شريك له واشهد ان محمدا عبده ورسوله صلى الله عليه وسلم. اما بعد تخيل لو ان لو انك اه يعني بتحب العسل مسلا. وضع امامك طبق من العسل. جميل طعمه جميل - 00:00:00

صاحبك حب يعمل معك واجب فرش عليه شوية خل طعمه ايه طعمه زفت. مش كده طب لو جبنا عسل احسن شوية. احسن منه جودة وحتينا عليه خل برضو. هيطلع ايه؟ زفت برضو. طب نقينا بقى عسل جبلي اسود كده وحلو مقاوم للخل - 00:00:30 وحاطين عليه خل يطلع ايه؟ زفت برضه. هو ده الدرس بتاع النهاردة طريقة عمل العسل بالخل. قنات فتافيت. اي عسل هتخط عليه خل هيطلع زفت. مهما كان حلاوته مهما كان جماله مهما كان غالي مهما كان اصلي مهما كنت جايه منين - 00:00:55

الخل كفيل ان هو يفسد اي نوع من انواع العسل. هو ده الدرس النهاردة. قال النبي عليه الصلاة والسلام وان سوء الخلق لا يفسد العمل كما يفسد الخل العسل الصورة قبيحة ازاي في ذهنك؟ ان صورة اي نوع من العسل مهما كان جميل - 00:01:25 لكن حط عليه اي نوع من الخل مهما كان غالي او رديء مش تفرق لا يمكن ان يحتمل اصلا انك انت تتخيل انك انت يمكن ان تقبله كذلك الانسان مهما كان ملتزم بكل انواع واشكال الالتزام صلاة وعبادة صيام قرآن كل حاجة كويسة - 00:01:52

لكن جمع مع ذلك فقط سوء الخلق فهذا مردود عمل فاسد عمله فاسد تواضعه عند ربنا صعب للغاية. زي ما انت كده ما قبلتش انك انت تاكل عسل مهما كان غالي - 00:02:12

علشان عليه خل كذلك صاحب الخلق السيء ما الطرود من الله سبحانه وتعالى مهما كان عمله طيب مهما كان عمله طيب. لذلك احنا في سلسلة اساسيات الهداية او اساسيات الطريق الى الله - 00:02:29

بنضع معالم المعالم اللي احنا بنحطها ديت احنا قلنا بنحط اصول واساسيات. يعني الالتزام له حاجات كتير قوي. بس احنا بنأسس دلوقتي. احنا اسسنا للصلاة واسسنا للتدبر واسسنا للخشوع واسسنا فهم القرآن ومصاحبة القرآن لان دي حاجات ما ينفعش يبقا واحد اسمه ملتزم مع - 00:02:46

ما عندوش حفاظ على الصلاة ما عندوش خشوع ما عندوش تدبر ما عندوش ورد قرآن ما عندوش ورد حفز ما عندوش مصاحبة للقرآن. النهاردة بنتكلم في نقطة اساسية ما ينفعش باي حال من الاحوال يتسمى واحد ملتزم الا يتوفر فيه هذا الشيء وهو ان تكون اخلاقه حسنة - 00:03:06

ليه بقول كده؟ لان زي ما قلنا كتير ان بقى المسمى فضفاض. اي حد ملتحي اي واحدة منقبة اي واحد بيصلي اي واحد شكله كده عليه زبيبة بتاع ده اسمه ملتزم. لكن الملامح لازم تكون واضحة. حتى لا ينتسب الى هذا المسمى الشريف من ليس منه. ملتزم - 00:03:25

تعني امور منها انك انت بعد الالتزام اخلاقك تختلف تماما. عن قبل الالتزام. انك انت يظهر عليك سلوك مختلف. اهلك يشوفوا ده فيه امك تستغربك اصلا. تقول له انت يا ابني حصل لك ايه - 00:03:45

اتحولت ولا انت اتجننت؟ انت بتسمع الكلام؟ انت جيت بدري النهاردة ازاي؟ عارف انت الجو ده اللي هو ايه يتخانقوا معك ايه اول ما تربى دقنك بيتدوا يتخانقوا معك. واخذ بالك؟ فانت تروح راد عليهم بايه؟ باخلاق. اديها اخلاق. اديها اخلاق. يروحوا بالعين لك كل - 00:04:02

كل حاجة. اي حاجة تعملها كلها تعدي. طالما بقت كده. يقول لك يا ابني لو انت كويس كده وبالدقن خلي الدقن مش مهم. المهم انك

انت ايه بقيت بتسمع الكلام - 00:04:20

اهم حاجة عندنا. واخذ بالك؟ يبتدي اهلك نفسك مش مصدقين انك انت بقيت كده اصحابك بقوا يستغربوك ما بقتش تشتم بقتش تعابير ما بقتش تسخر ما بقتش يعني وقح في الكلام. بقت تتكلم كلام عالي قوي - 00:04:30

فاكر زمان كان كان بعض اصحابنا ممكن ما يفهموش حتى الكلام اللي بنتكلمه يعني. ممكن اقول له مسلا جزاك الله خير يقول لي يعني ايه يعني الالفاظ اصلا ما فيش يعني كانت الفاظ تانية بقى خالص واخذ بالك الكلام اصلا يعني ايه قبيح جدا. لكن الكلام نفسه اتغير الناس يشوفوه - 00:04:47

بيستغربوك يعني لو واحد صاحبك من زمان جه قبلك ما يعرفكش اصلا. يقول لك انت حصل لك ايه انت كلامك اتغير. سلوكك اتغير. ويجي هو بقى يهزر معك الهزار القديم يلاقيك انت ايه - 00:05:04

قافش شوية خلاص ما بقاش ينفع ان انت تعمل الحاجات ديت. فحسن الخلق ده سمت شيه ببيان على الملتزم على طول. لو وجدت ان هو قبل التزامه زي بعد التزامه يعني - 00:05:16

مش حاسين باي اختلاف. اهله مش حاسين باي اختلاف. هو مجرد بيصلي بيصوم بيقرأ قرآن بس التعامل عادي خالص اعرف ان دوت يعني ايه لسه بدري عليه. لسه ما التزمش. طيب احنا عايزين الاول نأصل اصل مهم. هو احنا ليه حطينا حسن الخلق في

الاساسيات - 00:05:26

بل هو من اهم الاساسيات زي ما قلنا المسألة الاولى اللي اتكلمنا عنها ان وجود سوء الخلق مع الملتزم يفسد كل شيه النبي عليه الصلاة والسلام ذكرت له امرأة قالوا له فلانة وكانوا يحسنون الو عليها كلام زي الفل. قالوا كثيرة الصلاة كثيرة الصيام كثيرة الصدقة -

00:05:45

قال رسول الله ولكنها تسيء الى جيرانها. فقال عليه الصلاة والسلام هي في النار صريحة قالوا فلانة ما تقول في فلانة قليلة الصلاة

طبعا النوافل يعني ها لما الصحابة يقولوا قليلة الصلاة ما طبيعي ان يكون ايه؟ ما بيتكلموش في الفريضة اصلا - 00:06:10

واخذ بالك؟ قالوا قليلة الصلاة قليلة الصيام نوافل يعني. قليلة الصدقة ولكنها تحسن الى جيرانها. قال هي في الجنة هذا وحي. النبي عليه الصلاة والسلام اوحى اليه بالاثنتين دول. قال الاولانية دي ربنا اوحى الي في النار - 00:06:29

والثانية دي في الجنة. انا ممكن معاملة واحدة تدمر لي كل ما افعل خلق واحد بزيء يدمر لي كل الالتزام اللي انا فرحان به دوت. دي المسألة الاولى الحاجة الثانية ليه حسن الخلق مهم جدا لان احنا - 00:06:46

احنا اتكلمنا في دروس عن ايه؟ عن الصلاة. قرآن. قيام الليل. طبعا سمعنا حاجات ايه؟ فزيلة جدا. السلف بقى واحوالهم مع الصلاة واحوالهم مع قيام الليل واحوالهم مع تدبر واوراد القرآن اللي كان بيوجب القرآن في سبع تيام وثلاث تيام وعشر تيام واللي كان

بيصلي بربع القرآن والبكاء وتكرار الايات - 00:07:05

حاجات طبعا بالنسبة لك ايه؟ يعني يعني فيلم خيال علمي اصلا. انت بتسمع فيلم خيال علمي. انك انت تتصور انك انت ممكن تدرك الصورة دي. انت اصلا يعني اما بتسمع - 00:07:24

اسمع كده ايه عارف انت النظرة اللي لا مؤاخزة ليه بالهاء كده آآ ان شاء الله مع نفسك اللي هو ما فيش امل اصلا انت بتتكلم فينا

بقي ده انا بحارب عشان اصلي الفجر. يعني يعني انا ملتزم عندنا بيصلي الفجر مقطع - 00:07:34

فطبعا احنا بنقولها يمكن حد ربنا يكرمه ويبقى كويس. بس الطبيعي بتاعنا ان احنا لما هنلتزم كبرنا اوي هنجيب الواجبات يعني ايه والمستحبات دي يعني كده على الماشي يعني. فدايما السلف في الموضوع ده صعب ادراكهم بشكل كبير يعني. طيب ايه يعني؟

طب اعمل ايه - 00:07:50

نفسى يعني ايه اللي يخلىني اعوض النقص دوت في جانب الصلاة الطويلة قوي بتاعتهم ده والصيام الكثير قوي والحاجات دي ما

فيش حل ليك ما فيش حل ما فيش حل غير - 00:08:10

حسن الخلق لان النبي عليه الصلاة والسلام قال ان الرجل ليبلغ بحسن خلقه درجة الصائم القائم. ما فيش حل غير كده. انك انت تتاجر

مع ربنا حسن الخلق. وده مقدور عليه - 00:08:20

ده مقدور عليه لانك انت تحاول تحسن اخلاقك ممكن يكون اسهل انك انت تقرأ ربع القرآن في ليلة والله يا صاحبي زمانا ده بقى اصعب صح؟ انك تسوق عربية وتروح من غير ما تشتم حد - 00:08:41

صعب جدا بس نفترض ان احنا في زمان يدعو الى الفضيلة يعني. ما لكش حل انك تدرك سلف الا بهزه الطريقة طبعاً لو قلنا ان هم اصلاً كانت اخلاقهم حسنة يبقى انت ايه ضعت يعني. بس احنا بنحاول نضحك عليك يعني. ان الرجل ليبلغ بحسن خلقه درجة الايه؟ الصائم - 00:08:59

القائم فكأنك صمت صيام طويل وقمت قيام طويل الحاجة اللي بعد كده في حسن الخلق ان حسن الخلق من العبادات التي لا تكلف لا وقت ولا مال ولا جهد يعني هي عبادة؟ على الطريق كده يعني. مش بتتكلف لا لا وقت - 00:09:23

ولا مال ولا جهد. يعني هي مش محتاجة لا تصرف ولا تتكلف وقت. ولا فيها مجهود. ليه؟ لان السلف مسلاً كانوا يعرفون الايه؟

يعرفون حسن الخلق يقولون حسن الخلق هو - 00:09:45

كلمة طيبة ووجه طليق. بس. كلمة طيبة هنا كلمة طيبة هنا جزاك الله خيراً. آآ الله يبارك في حضرتك. ربنا يرضى عنك. آآ ربنا سامحك روح الله يسهل لك. آآ غفر الله لك. يا عم سبني في حالي. اي كلمة كلمة طيبة - 00:09:58

وجه تليق واحد ماشي في الشارع بيتسم بيوزع ابتسامات هنا هنا هذا الامر لا يكلف اي شئ وفي بعض السلف زاد عليه حنة

كمان قال هو كلمة طيبة ووجه طليق - 00:10:17

وكف الازى وتحمل الازى كف الازى ده سهل. بص دايماً الترك ما بيكلفش حاجة. يعني انا ما ازكش. دي حاجة مش مش هعمل لها حاجة يعني مش هتكلف شئ مش هأزيك الترك مش عمل او هو مش حاجة بتعملها زي واحد مسلاً مش بيسرق هو بيعمل حاجة -

00:10:33

بس هو مش بيسرق مش بيقتل فدي عبادة بس هي ما بتعملش حاجة. انت ما بتعملش حاجة. كذلك كف الازى ما بيكلفش لا وقت ولا مال تحمل الازى ممكن تكون دي صعبة سنة. لكن ساني جاهد نفسه على تحمل الازى - 00:10:54

والبعض عرف حسن الخلق قال هو بذل الجميل وترك القبيح بس انك انت تبذل للناس كل جميل وتترك كل ما يستقبح من اخلاق

الناس وربنا جمع الكلام ده كله في قوله تعالى خذ العفو - 00:11:11

وامر بالعرف واعرض عن الجاهلية. دي خلاصة الاية دي جمعت اصول الاخلاق. يعني ايه خذ العفو؟ خذ ما عفا من اخلاق الناس والعفو هو الزيادة يعني. الحاجات اللي ايه اللي الناس طالعة منهم خد منهم خلاص. وتجاوز الايه؟ عن الباقي. خذ العفو. يعني ما عفا عن

اخلاق الناس - 00:11:31

اللي يخرج منهم اقبله وخلاص مش هتعرف تزبط كل واحد على مقاسك دي نصيحة عظيمة على فكرة خذ العفو دي درس بليغ جدا.

لان كتير من الناس للأسف يا اخواني مشكلته مع الاخلاق ان هو فاكر كل الناس زيه. او عايز كل الناس - 00:11:51

على مقاسه. ودي بتعمل مشكلة كبيرة دايماً بين الملتزمين. ان هو مسلاً هادي واخوه مسلاً آآ عصبي شوية. ان هو آآ يعني كثير الكلام واخوه قليل الكلام. ان هو مسلاً شديد الحياة اخوه جريء - 00:12:06

شوية. ممكن هي حاجات مش حرام بس هي طباعة مختلفة. بيتدي يزعل من حاجات يعني يقول لك بيكلمني كلام صعب. هو

طريقته كده. هو ما قال لكش حاجة حرام. بس هي طريقته كده في الكلام - 00:12:23

مش هعرف اغيره لك. هو شديد. هو جريء شوية. بس ما بيقولش حاجة حرام. هو يعني نرفز شوية. هو يعني تحس بيعصبك انت

لازم تقبله على كده مش هتعرف تخلي كل الناس زيك. هو برضو شايفك وحش. هو بيقول عليك هادي قوي - 00:12:35

بارد اوي ما بيتحركش خالص. ما بيتكلمش. هو شايفك غلط برضو. فالحل ايه؟ خذ العفو. يعني اخلاق الناس على طباعهم كده طالما حاجة ده مش حرام؟ اقبل منهم اخلاقهم وطباعهم لان انت مش ممكن تسطب الناس على ايه؟ على البرنامج بتاعك. والا هتعيش مع

نفسك اوعى تنقي بقى ناس - 00:12:55

محدودة جدا تتعامل معهم وامر بالعرف. يعني انت نفسك التزم بما تعارف عليه الناس من اخلاق طالما مش حرام بالشرع مع اعراف الناس طبعاً مش اي اعراف. اعراف الناس اللي هي مش حرام. فاذا تعارف الناس على خلق حرام - [00:13:17](#)

اتركه ولا تبالي به. وليس هذا داخل في قوله تعالى وامر بالعرف وانما العرف وما تعارف عليه الناس من محاسن الاخلاق وليس من رزائل الاخلاق. العرف مسلاً ان انا لو رحت فرح لازم اوجب وارقص مسلاً - [00:13:37](#)

يقول لك لا ده عيب خليك واد جنتل كده انزل اديها واحدة كده يعني ايه ده صاحبك يعني الروح بالروح يعني. ما ينفعش ما تعملش معه واجب يعني واحدة كده واحدة كده يعني. واخذ بالك - [00:13:51](#)

وانزل طلع سلاحك متكامل يعني ايه واقف كده يعني ما ينفعش انت كده ده طبعاً ده انا بقول بصيغة الزكورة والا فاصيغة الانوسة هي اللي هي الاولى في الكلام دوت يعني. ففي واجبات جامدة قوي بتحصل يعني ودي بيعتبروها من محاسن الاخلاق - [00:14:01](#)

عملت واك واجب في الفرع يعني عملت معك واجب جامد اوي في الفرع ده انا ما عملتهاش لجوزي واخذ بالك؟ اه. فدي اخلاق موجودة في المجتمع. طب دي اعراف ايه؟ اعراف مزومة مردودة - [00:14:20](#)

ليس لها قيمة وامر بالعرف يعني الاعراف اللي هي فيها محاسن فيها مكارم فيها اخلاق. يبقى خذ العفو خذ ما عفا من اخلاق الناس وامر بالعرف. وفي نفس الوقت ايه - [00:14:35](#)

كف الازي وتحمل الازي واعرض عن الجاهلين. ده علاج مثالي. اخواني لكل الامراض النفسية اللي بتتعامل بها مع الناس. اعرض دعك منهم انت لن تزداد شيء بالرد عليهم. بل كلما رددت انت الذي ستنقص - [00:14:46](#)

لانك انت المفترض اما نتكلم دلوقتي في السلسلة دي واحد بيلتزم او بيحاول يلتزم. فانت دلوقتي بقى عندك قيود يعني قيود حتى لو خربت قوي برضو لك اخر يعني ان الالتزام برضو بيمينك انك تكمل للآخر. اللي بتتعامل معه ما عندوش القيود دي خالص بقى. هو مش ملتزم - [00:15:04](#)

هو مش بيفكر زيك. انت عارف انها هتعمل حاجات حرام بس لك اخر. هتشتتمه مسلاً. هيرد عليك بالاب والام. ممكن انت يعني تيجي على نفسك شوية تروح راد بالاب والام - [00:15:25](#)

هيسب لك الدين هتيجي ساعتها ايه؟ صعب قوي بقى يعني ممكن ملتزم بيشتتم بالاب والام ماشي ربنا هيغفرها دي ماشي يعني. لكن اسب الدين اروح فين بعد كده؟ فاللي دمك ما لوش حدود على فكرة. انت اللي هتخسر في الآخر - [00:15:36](#)

انت اللي هتطلع خسران اكيد. لان هو ما عندوش حدود. انت بتفكر قبل ما تشتم وهو ما بيفكرش. انت بتفكر قبل ما هتضره. هو مش هيفكر الاعراض حل مثالي. اعرض عن الجاهلية. يعني قل كلمة طيبة واطلع من الموضوع وخلص. لان اخلاق الناس الان - [00:15:50](#)

صارت لا تحتل ولا يمكن مجارة اخلاق الناس. خلاص اما انك انت هتبقى زيهام واسوأ او انت هتطلع خسران في كل جولة الاعراض حل مسالي. الا لو لك حق ما هتأخذه بس ما ينفعش انك انت تنزل للمستوى ده يعني - [00:16:10](#)

احنا بنتكلم ان ليه ليه حسن الخلق قلنا لان هو سوء الخلق يدمر العمل حسن الخلق يوصلك لدرجة الصائم القائم. حسن الخلق ما بيكلفش حاجة. لا وقت ولا مال ولا ايه؟ ولا مجهود. الامر الرابع لان حسن الخلق بحر حسنات - [00:16:27](#)

لا يعي الناس هذا الامر هم في غفلة عن هذا الامر. الناس دائماً تقول لك ايه؟ الحج بقى الصيام رمضان الصدقات كفالة يتيم والنبي عليه الصلاة والسلام يقول ان اثقل شيء في الميزان حسن الخلق - [00:16:48](#)

اثقل شيء في الميزان. حسن الخلق. فبالتالي ازاى انسان يغفل عن هذه العبودية هذه العبودية الامر الخامس ان حسن الخلق يجعلك انت انت رغم انك انت ولا حاجة خالص لا في صلاة ولا في الصيام يجعلك احب الناس الى النبي عليه الصلاة والسلام - [00:17:05](#)

ولو لم يكن في حسن الخلق الا هذه لكفت فمن منا لا يريد ان يكون في قلب النبي عليه الصلاة والسلام له مكانة وليس الامر بمكانة قلبية فقط معنوية بل هي مكانة مادية - [00:17:27](#)

قال النبي عليه الصلاة والسلام ان من احبكم الي واقربكم مني مجلساً يوم القيامة. احاسنكم اخلاقاً احاسنكم اخلاقاً وفي رواية اخرى

قال ان من ابغضكم الي اسوأكم اخلاقا وبالتالي يوم الابد عن مجلس النبي عليه الصلاة والسلام يوم القيامة. تخيل يوم القيامة انت هتعيش بس تعامل الناس كويس عشان حاجة واحدة - [00:17:40](#)

عشان يوم القيامة الاقي نفسي جنب النبي عليه الصلاة والسلام. عارف يعني ايه جنب النبي؟ هتلاقي نفسك وسط الصحابة هتجيبها ازاى دي؟ ما فيش اى عمل يبلغ ولا ما تعرفش. وكان يعني احد السلف او مسلم كان يقوم الليل حتى تتورم قدميه - [00:18:09](#)
فاذا تورمت قدماه كان معه عصاية كده وحب يريح شوية يروح ماسك العصاية يقعد يضرب في رجله يقول قومي قومي يظن اصحاب محمد ان يسبقون اليه والله لا نزااحمنهم على الحوض - [00:18:23](#)

بس هو خد سكة الايه؟ سكة القيام هل هو فاكر الصحابة اله وصوم لوحدهم جنب النبي؟ لا حيالقوا معهم ناس كتير هيلاقونا معهم. احنا راشقين. طب راشقين ازاى؟ ما هي مش بالكلام. مش مش بالايه؟ مش بالفهلوة هي. لازم تبقى راشق - [00:18:45](#)

بسبب واضح انت سكتك مش قيام ليل عرفناها خلاص. وقلنا الموضوع ده كتير. جبت لك يأس انا. هي السكة اللي ممكن اه يعني نسلك فيها شوية حسن الخلق ان من اقربكم مني مجلسا يوم القيامة احاسنكم اخلاقا. تلاقي نفسك واقف جنب الصحابة. مش مصدق نفسك. انا ايه اللي جابني هنا يا اخوانا؟ انا جيت غلط ولا ايه؟ هيقول لك - [00:19:02](#)

والله ده في حسن الخلق يعني انت ايه وصلت للمنزلة العالية ديت حسن الخلق طبعا قضية اساسية في حياتك هو انت عايز ايه يوم القيامة غير انك تكون جنب النبي؟ عليه الصلاة والسلام - [00:19:25](#)

حسن الخلق يجعلك افضل رجل في المسلمين الافاضل والاكابر قال عليه الصلاة والسلام خياركم محاسنكم اخلاقا خيركم خيراكم لاهلي. وهي قضية خلقية وانت بتعمل ايه مع اهلك غير تعامل واخلاق - [00:19:37](#)

ثم ان حسن الخلق فيه مزية هو ان حسن الخلق عبادة دائمة لا تنقطع يعني ايه يعني الصلاة لها وقت وكمية وقت وعدد الصيام وقت وعدد وينتهي بالمغرب وفجر الصدقة تتصدق ايه العمرة الحج كل حاجة ليها معاد - [00:19:55](#)

حتى الحجاب هتلبس الحجاب في الشارع تقلعه في البيت. مش كده؟ لكن ايه الحاجة اللي اربعة وعشرين ساعة شغالة طالما انت صاحي قصدي حسن الخلق لانك انت لا تنفك عن معاملة. اما بتعامل صديق او جار او زوجة ام اب صاحب. مدير غفير - [00:20:15](#)
وزير اى احد الانسان لا ينفك عن معاملة. فلو نوى الانسان ان هو يتعبد لله بحسن الخلق هيلاقى حاجات كتير قوي يعملها طول اليوم حاجات كتير هنتعمد بقى ان وجهه يكون طليق في وجه كل الناس. هيتكلف الكلمات الطيبة - [00:20:38](#)

هيبتي ينقي كلامه ينقي كلامه من باب التعبد قال بعض السلف لقد ادركنا اقواما ينتقون كلامهم كما تنتقون انتم اطيب الثمار يعني ايه الكلام؟ يعني انت دلوقتي رحت السوق تشتري ايه؟ تشتري فراولة. فراولة بقى وما ادراك ما الفراولة. هتنقيها ازاى - [00:20:57](#)

هتتعبد جدا. تقعد بقى تقلبها كده مضروبة تعملها كده لأ مش كويسة دي مفعصة. بتقعد ساعة تنقي في نص كيلو ايه؟ فراولة. في ناس بيعملوا كده في الكلام ممكن يقعد يفكر كتير قبل ما يقول كلمة. بس بيقول كلمة على الفردوس الاعلى على طول - [00:21:26](#)
قاعد فكر فيها كتير بس كسب بيها مكسب كبير اوي في ناس بتنقي كلامها كده كان السلف ينتقون الكلام الواحد ممكن يكون يطول صمته لان هو بيفكر كتير قوي قبل ما يتكلم. بس لما بيقول كلمة بتفضل مكتوبة الى يومنا هذا. نقعد احنا ليه؟ نقولها لغاية دلوقتي - [00:21:45](#)

من جمال هذه الكلمة فانك تنقي كلامك من علامات الايمان قال بعض السلف ان لسان المؤمن خلف قلبه يعني قبل ما يتكلم بيعدي على الفلتر وان لسان المنافق امام قلبه يسترسل استرسال. ما ببصش بقى ايه مدببة بقى فاهم؟ قطر دايس. ما بيفكرش بيقول ايه؟ المهم الناس بتضحك. المهم الناس - [00:22:05](#)

مبسوطة مني انا قلت ايه النهاردة وكان بعض السلف يعد كلامه في اليوم وكان بعضهم يكتب كل ما يقول اثناء اليوم عشان يعرف دي فين في الحسنات ولا في السيئات - [00:22:32](#)

الامر اللي بعد كده ان حسن الخلق يمكن ان تسعى به كل الناس. حسن الخلق قد يكون افضل بكثير من الصدقة لان الصدقة يمكن ان انت تتصدق على واحد اثنين عشرة عشرين - [00:22:43](#)

لن تستطيع ان تستوعب بمالك كل الناس ولن تستطيع ان تدخل السرور على كل الناس بالمال. لكن تستطيع ان تسع الناس بالاخلاق. كل الناس ترضيهم تسعدهم تدخل السرور عليهم بالاخلاق. فيستطيع الانسان يستوعب كل الناس باخلاقه لكن لا يستطيع احد مهما كثر ما له - [00:22:58](#)

ان يستوعب جميع الناس جمالهم هو ايه المال يعمل ايه للناس؟ يسعدهم كذلك الاخلاق الطيبة تسعدهم. النتيجة واحدة لكن المال محدود واما الاخلاق فليس لها حدود. ليس لها حدود ايضا من ذلك ان حسن الخلق هو اسعد الناس عيشا - [00:23:20](#)
اطيب الناس روحا ونفسا اطيب الناس بالا لازم تعرف كده يا اخواننا. مش السعادة انك انت دايم ايه الكلمة بكلمتين وباخذ حقي وبالدرع لا لا بالعكس دايم كلنا مجربين كده. تجد احيانا انك انت واحد مسلا قال لك كلمة رحت رديت عليه ويومها ايه خربت بقى على الآخر. وخذت حقا - [00:23:43](#)

خذت حقا. ما كسبكش. تروح طول اليوم متضايق من نفسك وقرفان من نفسك. تقول يا ريتني ما اتكلمت. يا ريتني ما خدت الحاجة خدتها ازاي تكره نفسك جدا تبتدي تحتقر نفسك ايه اللي انا قلت دوت - [00:24:10](#)
مسلا وانت بتسوق العربية واحد شوح لك رحت شوحت له ادبته اللي فيه النصيب. تقول ايه اللي انا بهبه ده التزامي وديني ايه اللي بكاه؟ مش عارف امسك نفسي في كلمة رغم انك انت انتصرت عليه يعني انت رديت عليه اكرر وكسرت عليه وعملت الواجب وزيادة وهو - [00:24:26](#)

وممكن تكون تنزل تعوره. لكن انت انت كرهت نفسك اصلا. انت متضايق ممكن تقعد ايام كاره نفسك. ازاي انا قلت كده؟ ممكن ثاني يوم ما تركبش العربية ايه اصلا لا لا طول ما انا كده مش هينفع. ما ينفعش اركب العربية. دي هتفصل لي اخلاقي. فتبتدي تتعكر نفسك. طالما في فيك خير يعني. لكن ممكن - [00:24:42](#)

ثاني يوم واحد صاير من نفس الشتيمة فرحت قفلت الازاز وكبرت دماغك بصراحة مبسوط قوي رغم انك انت يعني في الظاهر انك انت اتغلبت واشتمك انت مزلوم مسلا بس انت كبرت دماغك منه. او بقى عملت حاجة احسن من كده. طلعت له ايدك مسلا وشاورت له واعتزرت له وخلاص - [00:25:03](#)

مش مهم غلطان بقى هو اللي غلطان انا غلطان مش مهم هتفهم هتفرق ايه يعني موقف وهيعدي وخلاص تروح تلاقي نفسك مبسوط ولا بتفكر في حاجة ونسيت اصلا تماما فالعفو له لزة - [00:25:24](#)

تفوق لزة الانتقام الانتقام لزيز في وقته فقط في وقته فقط ثم هو مر بعد ذلك. العفو مر ساعتها فقط. يعني تقيل قوي على النفس ساعتها فقط ثم له لذة طويلة بعد ذلك. انسان يختار ايه؟ لذة ثم مرارة دائمة ولا مرارة محدودة ثم لذة دائمة؟ هو العفو كده. مر في بدايته - [00:25:36](#)

ساعة التنفيذ تحس ان انت جيت على نفسك قوي صعبانة عليك نفسك ازاي يعني اسيبه كده ده انا اقدر عليه بعد ما بعد ما تكسر نفسك كده تلاقي ربنا عوضك بحاجة كده جواك - [00:26:02](#)

راحة كده تحس ان انت مبسوط من نفسك اوي بالعكس ده لو انتقمت تلاقي نفسك متكرر جدا الحلم الذ من الطيش الحلم ما بتندمش عليه ابدًا لكن دايمًا ما تندم على الطيش - [00:26:15](#)

انك انت اتسرعت انك انت اتكلمت انك انت نفزت انك انت اتفرزت ليه انا عملت كده ما كانش له لازمة كان ممكن اكبر دماغي الصعيد هو صاحب الخلق الطيب. له راحة بال قلب هادئ نفس ساكنة. والعكس مع صاحب الخلق السيء. تحس ان هو - [00:26:29](#)
عايز يعني هو متضايق من نفسه. في ناس كده تشوفه تحس ان هو لو ما لقاش حد يشتمه هيشتم نفسه هو متضايق هو عايز خناقة هو كاره نفسه اصلا ودي من ايه؟ من عقوبات سوء الخلق. ان الانسان بالامر ده بيعود عليه هو. هو نفسه بيشقى - [00:26:49](#)

سوء الخلق دوت بنفسه متضايق حتى من نفسه. مش طابق حد بيتلكك. بيتخانق مع مراته بيتخانق مع الجيران بيتخانق مع الشارع. ناس اصلا ناس بتكره التعامل معه الناس بتشوفه بتبقى عايزة تتجنبه. مش عايزين حتى يقولوا له كلمة طيبة لان هو بيفهم غلط. يعني انا ممكن لو قلت له كلمة طيبة قصدك ايه يعني؟ عايز ايه يعني؟ عارف انت اللي - [00:27:12](#)

وده صعبين اوي يعني مستحيل التعامل مع الاصناف دي. فكل ما ساء الانسان خلقه كل ما ضاقت عليه نفسه هو نفسه ما تنشرحش كده فيجد نفسه تعيس البال ضيق الصدر ضيق النفس. يعني غير منشرح يعني هو هو اشقى الناس بهذا الابه؟ بهذه الاخلاق السيئة. فضلا عن الاجور الضخمة اللي - [00:27:32](#)

بسبب سوء الخلق. من اجمل الاشياء لحسن الخلق ان حسن الخلق يستر عيوب الانسان المادية يعني لو ان انسان شكله وحش لبسه وحش شوية. فقير. حسن الخلق يغطي كل دوت - [00:27:52](#)

ده مشاهد. ممكن تجد انسان ممكن في عرف الجمال ليس بجميل. في نزر الناس ليس بغني. لكن عليه اخلاق تجعل له بهاء غير عادي الناس تبص له كأنه ملك كريم - [00:28:13](#)

لذلك من الحاجات الجميلة اللي ينصح بها. انك انت لو خيرت مسلا بين امرأة جميلة جدا. لكن فيها بعض الاخلاق السيئة. وامرأة يعني فيها بعض العيوب في الشكل لكن اخلاقها ليس لها مسيل. فلما تردد بلا تردد. لا تفكر في الجميلة ذات الاخلاق السيئة - [00:28:28](#) الجمال ده هتتعود عليه في مدة قصيرة جدا هيفضل لك الابه؟ الاخلاق السيئة ديت. هتبتدي تعاني منها الى الابد. واما المرأة اللي هي انت شايفها دلوقتي اصل انت لسه رايح بتشوف الرؤية الشرعية فانت لسه ما تعاملتش معها - [00:28:47](#)

فاللي شفته شايف الشكل بس. لكن بعد التعامل الحاجات الشكلية دي هتنساها اصلا خالص. مش هتاخذ بالك منها. بل هتزين لك جدا. هتراها اجمل امرأة في الدنيا. بسبب حسن خلقها معك - [00:29:01](#)

الاختيار ده ما ينفعش يبقى فيه تردد. بين اللي هي شكلها اقل شوية مع حسن الخلق بين الجميلة جدا مع اخلاق سيئة اياك والجميلة ذات الاخلاق السيئة. عبدالملك ابن عمير بيحكي عن الاحنف ابن قيس بقى. الاحنف ابن قيس - [00:29:13](#)

يعني عبدالملك ابن عمير بيقول قدم علينا الاحنف ابن قيس. الاحنف القيس ده من سادات العلماء يعني بيقول قدم علينا الكوفة. اول مرة نشوفه الاحنف ابن قيس. نسمع عنه بس - [00:29:29](#)

ففرحانين بقى وطالعين نشوفه. قال والله ما رأيت خصلة تزم في رجل الا وقد رأيتها فيه. يعني بيقول ما فيهوش حاجة ما فيهوش اي ميزة في الشكل خالص. كل عيوب الرجال فيه - [00:29:41](#)

كشكل صريح قال كان اصلع الرأس معوج الانف معقوفة كده متراكم الاسنان مائل الزقم مقوس الرجلين خفيف العارضين يعني دقنه دقنه خفيف وكانوا يعدون ذلك عيب الراجل اللي ما عندوش لحية يعني كبيرة - [00:29:55](#)

الي عنده لحية بس هي طالعة خفيفة قوي. فبيقول خفيف العارضين بالرغم كل ذلك ولكنه كان اذا تكلم جل عن نفسه كل عيب. لو اتكلم الاحنف ابن قيس ما بنشوفش اي - [00:30:15](#)

لا نرى فيه الا الجمال بسبب كلامه وطيب منطقه وروعة اسلوبه في الكمال في الكلام كان يغطي على كل العيوب. والعكس اذا كان الانسان صاحب جمال قالوا ما له هيئة لكن اخلاق السيئة فانها تفسد كل جمال وكل شكل وكل حاجة. لو انسان اتجوز واحدة جميلة جدا اجمل واحدة في العالم - [00:30:29](#)

وبعد كده راحت شتمته بس. ها. في البيت. كل حاجة هتتنسى هينسى كل حاجة كل شكلها وكل جمالها وجسمها وكل حاجة. وهيبتي يتحول بقى قدامها فالانسان يبتغي ينبغي ان هو يحسن خلقه - [00:30:52](#)

تتكلفش تجميل الشكل زي ما تتكلف تجميل الابه؟ الخلق. لذلك كان السلف يقولون من اصلح سريرته اصلح الله له الابه؟ له علانيته حسن الخلق مهم في طريقك الى الله لان انت مش هتعرف تدخل على ربنا الا - [00:31:07](#)

لما تطرق هذا الباب. يحيى الدقاق يقول ترك الادب يوجب الطرد ترك الادب يوجب الطرد. فمن اساء الادب على البساط رد من الباب زي اي واحد انت داخل على واحد. فمن اول ايه؟ مين؟ مين مين على الباب؟ انت ما لك ما تفتح هتعمل فيه ايه - [00:31:26](#)

مفتاح مين روح واخذ بالك بالظبط كده فمن اساء الادب على البساط ردا من الابه؟ ردا من الباب قال زكريا العنبري علم بلا ادب كنار بلا حطب وادب بلا علم كروح بلا جسم. الكلام ده جميل اوي. بيقول علم بلا ادب كنار بلا حطب. نار بلا حطب هيحصل فيها بعد

شوية - [00:31:54](#)

كذلك صاحب العلم اذا كان لم يجعل مع العلم ده ادب فيوشك ان علمه لا ينفع الناس. وربنا لا يبارك له في علمه ولا يكون نافعا للناس.

لان الناس اصلا مش بتحب - 00:32:30

مش تقبل منه لكن علمي قليل مع ادب كثير انفع للناس من علم كثير مع ادب قليل. هو بيقول بقى ادب بلا علم واحد مؤدب قوي بس

ما عندوش علم جاهل. بيقول كروح بلا جسم - 00:32:42

روح كده بس ليس لها ليس لها جسم لذللك ابن المبارك يقول قال لي مخلص ابن الحسين نحن الى كثير من الادب احوج منا الى كثير

من الحديث وقال عبدالعزيز بن ابي رواد - 00:32:54

اذا ذكرت احوال السلف بيننا افتضحنا يعني مسألة في الخلق ممكن تقول انا اخلاقي كويسة. ادعي زي ما تدعي عندنا ميزان وهذا

الميزان هو ما كان عليه السلف. ان هم دول المقياس المعيار لان هم دول التطبيق الحقيقي للاسلام. فتقيس نفسك عليهم وتشوف

اخلاقك واخلاقهم عشان - 00:33:24

تعرف انت اسمك ملتزم ولا مش ملتزم؟ تقدر تقول انا ملتزم ولا لا فبيقول اذا ذكرت احوال السلف افتضحنا وقال بعضهم كان السلف

يفعلون ولا يقولون ثم جاء بعدهم اقوام يقولون - 00:33:46

ولا يفعلون ثم جاء بعدهم اقوام لا يقولون ولا يفعلون ده مين؟ ده هم بيتكلم على زمان هو ها احنا عندنا ايه؟ طلع سلاحك متكامل

هو ده اللي بيتقال عندنا - 00:34:05

قال اخر بيقول بقى بيوصف ده ده برضه من السلف يعني. لقد ادركت اقواما لو رأوا خياركم لقالوا عنهم ما لهم من خلاق ولو رأوا

شراركم قال والله ما هؤلاء بالمسلمين. يعني ايه لو رأى احسن ناس فيكم هيقولوا عليهم فسقة - 00:34:24

لو شافوا الاسرار انهم كفرة اصلا دولا مش ما ينفعش بيقوا في دائرة الاسلام. بيقول انا شفت ناس كده. لو شافوا احسن واحد فيكم

هيقولوا عليه فاجر ده زمان هو واخذ بالك؟ امال بقى لو شاف الايه ملتزمين دلوقتي هو اصلا قبل الالتزام كان اسمه اشرف كخة

يعني متخيل هو عامل ازاي دلوقتي - 00:34:46

هو كات شهرته عنده مشاكل التزم ورى دقنه بس بس هو لسه ايه الشيخ عبده مشاكل. يعني العملية ايه؟ ما تغيرتش قوي. هو مجرد

عمل دقن حلوة يعني. فايه؟ لسه زي ما هو. ده هم - 00:35:03

اتكلم يا طيب. طب ايه الحل؟ الحل يعني نحاول. نحاول اسلك الطريق. لعلك تصل في يوم من الايام قيل للحسن كلمة جميلة قوي

يقول سبقنا القوم قيل الحسن واحد بيقول له لقد سبقنا القوم على خيل دهم. يعني خيل سودا قوية. ونحن على حمر - 00:35:21

احنا راكبين حمير تعبانة مكسحة. فقال ان كنت على طريقهم فما اسرع للحاق بهم؟ يعني مش مشكلة راكب حمار بتاع زي ما احنا

بنقول بلدي كده السلف كانوا راكبين الفراري واحنا وراهم بسكوتر واخذ بالك؟ - 00:35:44

مش مشكلة اللي راكب اسكوتر في يوم من الايام ايه؟ في يوم من الايام هيوصل هو سبقك بس انت طالما ماشي هتوصل. فده الحل

الوحيد انك انت تفضل ماشي وربنا يتقبل. عايزين نشوف بعض مظاهر الايه الحاجات - 00:36:01

الكلام اصلي سهل لكن عايزين ننزل على ارض الواقع نشوف ايه هي بعض المظاهر اللي فعلا ملتزمين بيقولوا ان هم ملتزمين لكن في

الحقيقة هم ما بيلتزموش بالحاجات ديت ويا اشهر مظاهر الخلل في اخلاق من يدعون ان هم ملتزمين - 00:36:16

اول حاجة من مظاهر الخلل عدم قبول الحق. الاخ التزم وبقى له مدة ويحفظ قرآن وبتاع. وبعد كده بيتدي بقى خلاص ما وسطه

اخوة بقى. فعادي بينصحوه بقى. وينكروا عليه. او ممكن مش لو انكر عليه اخوة ماشي اسهل شوية لكن ممكن واحد من الناس

العادية ينكر - 00:36:32

بيقول له عيب عليك يا عم الشيخ تعمل كده. هو عنده حق فعلا هيبتي تطلع عليه بقى الايه الامراض القديمة بقى ازاي تكلمني كده

ويبتدي بقى ايه يعني هو في الاول كان يعني لما بيبجي على نفسه قوي بيضحك كده جزاك الله خيرا بس هو من جواه ايه بيغلي

بيغلي ده احسن واحد يعني - 00:36:52

اللي هو بيقول جزاك الله خيرا شكرا شكرا. هو جوة ايه؟ عايز يمسه ويعوره. انت ازاي تتكلم معه كده يعني؟ فالامراض القديمة

موجودة ده لو هو ما ردش عليه قال له انت مين؟ انت ما بتركهاش اصلا تتكلم ليه اصلا انت - [00:37:11](#)

انا الشيخ يا ابني واخذ بالك؟ في ناس جو كده هو اصلا بيحتقر هو شايفه اصلا انت ما ينفعش تنصحي واخذ بالك او في بقى واحد تاني جميل. هو اتنصح فمن جزاك الله خيرا. وبعد كده يقعد يتربص باللي نصحه دوت بقى - [00:37:26](#)

لغاية ما يطلع له ايه؟ عيب. وبعد كده يروح يخش بقى ايه؟ الناصح الامين. على فكرة يا شيخ انت بتعمل الحاجات دي. هو بينتقم لنفسه في الحقيقة. ما كانش بينصح - [00:37:42](#)

حاجة هو بينتقم لنفسه. لان هو طالما هو طلع لي عيب طب انا هاطلع له عيب وحانصحه في الله بقى. في الله مين؟ ده انت بتنصح في سبيل الهوى في سبيل - [00:37:52](#)

الشیطان فلا انت قبلت النصيحة في الحقيقة ولا احسنت النصيحة ينبغي الامراض دي ان هي ايه تتعالج. ما تغترش بالتزامك. لو جا لك اي حد نصحك مهما كنت قديم مهما كنت ملتزم مهما كنت اقبل منه - [00:38:02](#)

حتى لو ادها لك دبش خليك انت كويس خدها وخلص زي ما تيجي. هو ادها لك دبش خدها انت كويس. تمام؟ في نفس الوقت العكس ما ينفعش انت تدي النصيحة دبش - [00:38:18](#)

انت تديها احسن احسن باحسن وسيلة. حتى لو الناس ردوا عليك وحش. والعكس لو الناس نصحوك وحش اقبل حتى لو نصحوك وحش دي مشكلتهم هم. لكن انت تقبل على اي وضع - [00:38:27](#)

تمام؟ والا فقبول الحق هذه من من علامات الادب. ابن مسعود يقول من جاءك بالحق فاقبل منه. وان كان بعيدا بغيا ومن جاءك بالباطل فاردد عليه وان كان حبيبا قريبا وان كان حبيبا قريبا. فبعض الناس ممكن يقبل النصيحة من حبيبه وبس - [00:38:39](#)

الاخوة اللي معي بس. يمكن حد تاني لأ من الناس اللي تبغي بس. حد تاني لأ فلا يقبل النصيحة من البعيد البغيض. ويقبل النصيحة من القريب. وربنا جل شأنه لما قالت المرأة الكافرة وكانت كافرة - [00:39:01](#)

اذ قالت ان الملوك اذا دخلوا قرية افسدوها وجعلوا اعزة اهلها ازالة. قال الله وكذلك يفعلون. كلام صح. ربنا اقر الكلام رغم ان بتقوله كافرة وكانت بغية في ذلك الوقت. هي اسلمت في الآخر - [00:39:18](#)

مش كده؟ مرة الحجاج خطف في الناس وكان مين قاعد الحسن البصري؟ الحسن البصري طبعا وما كانش حد ما يقدرش يحضر خطبة الحجاج يعني. فكانوا مضطرين كلهم يحضروها يعني فالمهم الحجاج بقى ايه بيقول فيه النصيب بقى لهم. فالمهم في في

وسط كلامه قال ان الله امرنا بطلب الآخرة - [00:39:31](#)

وكفانا مؤنة الدنيا. فليته كفانا مؤنة الآخرة. وامرنا بطلب الدنيا. جامدة جدا حلوة جدا صح؟ تاني. ان الله امرنا بطلب الآخرة وكفانا ايه؟ مؤنة الدنيا. يقول يا ليتته كفانا مؤنة الآخرة - [00:39:53](#)

وامرنا بطلب الدنيا. فاعجبت الحسن جدا. فقال خذوها من فاسق. الحكمة ضالة المؤمن. يقول له يعني لا معكم فسق الحجاج ان تأخروا منه هذه الاية؟ النصيحة. هي نصيحة بديعة. وان كانت من فسق. سبحان الله! فكانوا منصفين يعني يقبلون الاية - [00:40:10](#)

يقبلون النصح. والحقيقة ان عدم قبول النصح فضلا عن عدم اه الرغبة في الرجوع الى الحق. دي بتدل على امراض تانية هتقول لي ان فيه كبر طالما بص الكبر دي الكلمة دي تسمعه اعرف انت مع السلامة خلاص. لا يدخل الجنة من كان في قلبه مثقال - [00:40:29](#)

زرة من كبر. من علامات الكبر ان يقال لك اتق الله فتقول اتق الله انت وده بيحصل كتير جدا اتق الله يا عم يا عم اتق ربنا انت الاول. خلصت كده - [00:40:49](#)

دي من اشد علامات الكبر. لان قال النبي عليه الصلاة والسلام والكبر بطر الحق وغمط ايه؟ الناس. بطر الحق رفض قبول الحق. وغمط الناس احتقار الناس فعدم قبول النصيحة يدل على الاتنين مع بعض. انك رديت الحق وانك انت بتحتقر اللي قدامك. لان انت شايفه

مش مؤهل انك انت تكلمني. انت مين؟ ولا - [00:41:00](#)

عشان تكلمني انظر الى عمر وهو خليفة المسلمين واقف على المنبر خليفة المسلمين يعني بيحكم نص الكرة الارضية. واقف على المنبر يبحث الناس ان هم يعني يقللوا في المهور واوشك ان هو يعني يفرض - [00:41:20](#)

عليهم الموضوع دوت وقامت امرأة لا لا تعرف لا يؤبه لها. فقالت يا امير المؤمنين اليس قد قال الله تعالى واتيتم احداهن قنطارا فلا تأخذوا منه شيئا فنزل عمر من على المنبر والى كل كلامه وقال امرأة افقه من عمر. وعاد - [00:41:37](#)

رضي الله عنه في كل ما قال. رغم ان عمر كان ممكن يجد مبررات شرعية لكلامه. كان ممكن يقول ده ده الكلام ده ايام ما كان كزا. دلوقتي الوضع اختلف وفيه اجتهادات. والمصلحة المرسله - [00:41:59](#)

او كان ممكن يلاقي له رد. لكن لما كلمته بالقرآن عمر كان وقاف عند كتاب الله كان يخاف جدا. اذا ذكر باية. فلغى كل اجتهاده خوفا من الاية ديت وقال امرأة افقه من عمر. وفي رواية قال اخطأ عمر واصابت امرأة - [00:42:09](#)

واصاب امرأة بتتكلم في مين؟ مش واحد ملتزم ده خليفة المسلمين يعني حاكم نصف الكرة الارضية في ذلك الوقت وهو من هو عمر المبشر بالجنة يعني معه صك صك ان انت ملتزم بجد بقی بجد يعني - [00:42:27](#)

والمرة دي بنت مين اصلا ما حدش عارف اسمها. فترد عليه وعلى المنبر كمان لكن لم يمنعوها هذه الطريقة في الرد ان هو يقبل الایه؟ يقبل النصيحة. لذلك قال الفضيل ابن عياض - [00:42:40](#)

عن التواضع قال ان تخضع للحق وتنقاد. لمن له ممن سمعته ولو كان اجهل الناس لزمك ان تقبل منه لزمك ان تقبل منه من الاخلاق الرزيلة ايضا. قلة الانصاف. ان احنا بعد الالتزام بيبتي فيه هوا برضو - [00:42:54](#)

زي ما انت زمان كده كنت ايه اهلاوي بقى وزملاوي والكلام ده. ما هوش زمان هو لسه فيه اخوة لغاية دلوقتي كده ما شاء الله. وابتدي بقى ما فيش انصاف بقى فاهم الاهلاوية كلهم صح والزمالكاوية كلهم - [00:43:15](#)

بلاش الكلمة الوحشة اللي بيقولوها دي دايمًا. بعد التزام بقى فيه حنة كده برضو اللي مني واللي مش مني. اللي مني عليهم غسل وسكر. اللي مش مني عليهم زفت وقطران. عدم الانصاف. التعامل مع اي شخص يخالفك - [00:43:27](#)

سواء مخالف في المنهج مخالف في العقيدة مخالف في الجماعة بيبتي عدم الانصاف. وادي من اخلاق الرزيلة. لم يكن هذا حال السلف ابدًا. رغم ان هم كانوا ممكن لهم يتعصبوا للحق. لكن كان المخالف اذا اصاب - [00:43:49](#)

قد ينصفوا على طول ما فيش كلام كان الامام احمد له رفيق في الطلب هو اسحاق ابن رهويه وكان احمد اسحاق يختلفوا كثير قوي اختلفوا كثير في الفقه. هو يقول يمين وده يقول شمال. عادي. وكان يحصل بينهم منازرات كثير وكلام كثير - [00:44:03](#)

لكن احمد لما سئل عن اسحاق قالوا له ايه رأيك في اسحاق؟ قال ما عبر الجسر الى خرسانة وكم من خراسان يعني؟ فيقول ما عبر احد الجسر الى خراسان مثل اسحاق بن راهويه - [00:44:23](#)

ما فيش حد شفته في حياتي من خراسان زي اسحاق ده قال وان كان يخالفنا فان الناس لم يزل يخالف بعضهم بعضًا. ايه المشكلة يعني بيخالفنا يعني؟ بس الصراحة ما شفتش احسن منه - [00:44:36](#)

مرة تلاميزه دخلوا عليه فقال لهم اتأخرتوا علي ليه؟ فقال كنا في مجلس ابي قريب فقال اكتبوا عن ابي قريب انه شيخ صالح فقالوا يا امام انه يسبك قال اعرف وما حيلتي - [00:44:51](#)

شيخ صالح ابتلي بي ربنا ابتلاني ان انا عايش في زمانه. ان احمد كان اعلم منه يعني. ففي غيرة بين الاقران انتم عارفينه حسد وكده. اتنين علماء بقى زي بعض واخذ بالك؟ فممكن يحصل حسد غيرة - [00:45:16](#)

فيقول لهم لا ده ما بيفهمش حاجة ده مش عارف ايه. كده يعني قد يكون زلة فعادي يعني هو بيقول لهم ده هو اصلا قبل ما يعني هو عارف اصلا بيشتمه. هم هم اللي بيسخنوه يعني - [00:45:28](#)

هو بيقول لهم اكتبوا عنه وخلص وسكت الو على فكرة بيشتمك بقى. ما هو فيه برضو اخلاق صعبة شوية يعني. ما هو الملتزم ما هي دي برضو من الحاجات اللي تزعلك يعني. طب ما الراجل سكت يعني خلاص عدوها بقى - [00:45:40](#)

قال له على فكرة بيشتمك. طب عايز ايه يعني؟ عايزني اغتابه؟ طب مش هغتابه عايز نقع فيه وتتلزوا انتم بسماع الغيبة في العلماء والله ما عاملها ابدًا قال ما حيلتي؟ اعمل له ايه؟ شيخ صالح ابتلي به. يعني هو بيقول ان انا انا البلاء بالنسبة له. مش هو ايه؟ سبحان الله! عجيب يا اخي الامام احمد ده - [00:45:52](#)

كل مواقفه خير مش طبيعية الاخلاق العجيبة ايضا بعد الالتزام ان احنا نبتدي نغير بعض. تعير تعيير ان انت زمان قبل الالتزام كنت ايه اي حد بتمسك عليه حاجة من اصحابك - [00:46:11](#)

اتحفل عليه يلا بنا الليلة على فلان يا جماعة. ويبتدي بقى ايه؟ نبتدي الناس تزيد بقى على فلان ده. بعد الالتزام برضو عندك الايه؟
الحتة دي ديت موجودة لسه بس في سبيل الله بقى. نصيحة بس في ثوب تعيير. كل ما اشوفه ياه تعال يا بتاع البنات تعال يا حبيبي
- [00:46:30](#)

مش هتتقي ربنا بقى قدام الناس. ما انصحك والله يا شيخ هو اصل مشكلة. مش عايز يبطل الكلام مع البنت ديت. ايه يا عم ايه صليت
الفجر فين امبارح يا عم الشيخ - [00:46:54](#)

يا اخي اتق ربنا يستر الاخ شوية. ما كانش حد عارف انه ما صلاش الفجر يعني. انت ما يدريك هو صلى فين في ناس كده ملتزمين
كده يمسك الاخ هيغسله. هو خلاص هو افترض ان هو طالما اخ يبقى معصوم. فاي غلطة يعملها لازم ايه؟ نعمل حفلة عليه -
[00:47:07](#)

هيحصل الاتي ان هو يروح حالق لك دقنه يقول لك خلاص هي دي اللي كانت مسببة لك المشكلة خلاص عاملني زي الناس يا اخي
عاملني زي العوام يا اخي انت ليه بتعمل فيا كده - [00:47:24](#)

ده انت اللي بيسبب الدين بتعامله كويس وبتترفق به في الكلام وانا عشان التزمت بقت بتشتد علي كده يا اخي الحق علي اني
التزمت. مش عايز التزم. ادي دقني اهي - [00:47:37](#)

ويرجع شخص عادي بسبب ان احنا كل شوية نغيره هو مجرد ما ربي لحيته بقى معصوم هو ايه اللي اتغير؟ شوية شعر بس هو هو
زي ما هو في دماغ الرفق. وده من الجهل اللي بيحصل في التعامل. الاخوات كزك مجرد ما الاخت تلبس النقاب بتتعامل معاملة
صعبة جدا - [00:47:47](#)

يتعاملوا معها كأنها خلاص مش صحايات. ما ينفعش ان هي تقول كلمة ما ينفعش تكون بتتفرج على التلفزيون وما ينفعش تعملي
كزا. ويبتدي الضغط الشديد عليها وهي لسه ملتزمة دلوقتي هي هي - [00:48:05](#)

كل اللي غيرته بلبسها بس هي محتاجة دعوة محتاجة رفق محتاجة لين يعني لو واحدة مش منقبة كنتم اتعاملتم معها برفق ولين مع
المنقبة بيشدوا جامد جدا خلاص تروح قالع النقاب بقى تريح نفسها عاملوني كويس - [00:48:15](#)

وتخلي بقى يطلع الناس يقول لك انا ما عمري ما القلق لما التزم الاول ابقى اربي دقني ما هو بسبب كده ان هو شايف ان اول ما
بيتربى دقنه بيتحط عليه على طول - [00:48:30](#)

ويبتدي يعير بحاجات ما بيتعايرش بها غيره. يا اخي اعتبرني عادي فدي مشكلة التعبير دوت التعبير الفضيل بن عياض يقول المسلم
يستر وينصح والمنافق يهتك ويعير المؤمن يستر وينصح في السر - [00:48:38](#)

المنافق يهتك ويعير. يحيى ابن معين يقول ما رأيت على رجل قط خطأ الا سترته. واحبت ان ازين امره. يعني باقول لك عليه كلام
احسن من اللي هو فيه بكتير. عشان استر عليه - [00:49:02](#)

وما استقبلت رجلا في وجهه بامر يكرهه قط ولكن ابين له خطأه فيما بيني وبينه فان قبل مني ذلك والا تركته لو اتكلمت عليه لو قبل
مني خلاص ما قبلش مني خلاص مش باجي معه يعني ما اعملش اي مشكلة. من اه مشاكل الايه - [00:49:17](#)

الاخلاق ايضا قلة الرفق في التعامل مع الناس يكون في شدة شوية في التعامل مع الناس. خاصة في قضية الانكار. ترك الرفق النبي
عليه الصلاة والسلام جا له رجل قالوا يا رسول الله ائذن لي في الزنا. فهم به الصحابة. هيمسكوه بقى - [00:49:37](#)

هيطلع بقى مش هيفكر في الزنا ده تاني ابدأ خلاص. هينسى اليوم اللي جه فيه للنبي عليه الصلاة والسلام. بس يعني بس هينسى
الدين كله بقى رايعين فين؟ واحدة واحدة تعال يا ابني اترضاه لأمك اترضاه لاختك لغاية ما ايه؟ الولد هدي خالص يا عيني وبقى

مية مية وعلى الصراط المستقيم - [00:49:59](#)

والراجل اللي بال في المسجد نفس الكلام في المسجد دلوقتي خلاص بقى على طول بقى عمليات بقى وبتاع الموضوع يكبر لكن

النبي عليه الصلاة والسلام واحدة واحدة قال ان المساجد لا تصلح لهذا والموضوع انتهى. [الرجل - 00:50:18](#)

دخل في الصلاة ما يعرفش كان الاول الصلاة يجوز فيها الكلام في اول الاسلام. بعد كده ما بقاش ينفع يجوز فيها الكلام. فدخل الرجل الصلاة فواحد عطس فقال له يرحمك الله عادي كان في الصلاة - [00:50:33](#)

ده كده عادي فبيقول فنزر الي القوم كله بقى ايه ابص له كده فاهم فقال يا ويلتي ماذا فعلت؟ هو انا قلت ايه يا اخوانا غلط واتكلم بردو يعني دي مشكلة. لا برضه اتكلم. فبيقول بصوا لي ثاني جامد - [00:50:43](#)

هعمل ايه؟ فبيقول بعد الصلاة فهمه النبي عليه الصلاة والسلام قال له والله الصلاة حصل فيها كده كده وربنا يبارك فيك خلصت. فقال لابي هو وامي ما رأيت معلما قبله ولا بعده احسن تعليما منه - [00:51:01](#)

والله ما قهرني ولا ضربني ولا شتمني بل قال لي ان هذه الصلاة لا يصلح فيها شيء من كلام الناس. انما هو التسبيح والتكبير وقراءة القرآن. بس هو ده اللي قاله النبي عليه الصلاة والسلام - [00:51:28](#)

شيء عجيب عليه الصلاة والسلام صلة بن اشيم مر عليه رجل مسبل يعني مدلدل هدومه كده وبتاع فكان معي ناس فهموا به برضو هينكروا عليه جامد هيبتدوا ايه؟ تعال انت ايه اللي انت لابسه دوت؟ وازاي تلبس كده - [00:51:45](#)

انت ما عندكش دين وبتاع واتقي ربنا هيخش بقى جامد فيه قال سيبوني سيبوني عليه. دعوني انا اكفيكم. ثم دخل عليه قال يا ابن اخي ان لي اليك حاجة. محتاج منك بس خدمة. شف الكلام - [00:52:02](#)

فقال ما حاجتك يا عمي؟ العناية لك قال له معلش عايز منك حاجة. تعملها لي؟ قال له عيني لك والله انت راجل محترم وزوق. قال احب ان ترفع ازارك فقال نعم - [00:52:16](#)

لك هذا والله انها لكرامة عمر كريم انت تدعوني الى امر كريم. ليه ما اعملوش؟ فرفع ازاره. فقال لاصحابه لو اخذتموه بشدة لقال لا كرامة ولا سبكم ولا شتمكم. الصراع الدائم بين الاخ وبين سواق المشروع. طب في الكاسيت - [00:52:31](#)

خليك في حالك يا عم الشيخ. بقول لك ايه طفي الكاس احسن لك. يروح السواق بقى يضطر يقول طب بقول لك ايه انا اسمي كرولس. طب تعال لي كرولس. الموضوع ايه؟ كان لله في الاول - [00:52:53](#)

قلب بقى يا عيني خلى الرجل دعى ان هو مسيحي عشان يخلص من الاخ. بيعمل ايه طيب فيك ثاني راح الاخ بقى انتقلت ايه؟ بقت نفسية بقى بقت حاجة شخصية ما بقاش اتعمل لله خلاص. الشيطان دخل بقى - [00:53:13](#)

الرفق اتكلم بالراحة والله ما اقبلش منك خلاص ليس عليك هدايم. ان شاء الله ما طفاه. تقول له كلمة طيبة وتدعي له وبتاع قل له جزاك الله خيرا في تديله حاجة يشغلها تانية تنصحه كده برفق تقرب منه ما تقعدش ما تجيبهوش من اخر المشروع سماعة الشارع كله عشان ما اكيد مش هيقبل منك - [00:53:28](#)

اصبر شوية وانت نازل انصح في كلمة في ودنه كده وخلاص. يعني مش لازم سياح يعني. الموضوع محتاج فقه يا جماعة. نتعامل مع الناس بالرفق ده يعني موضوع ذو شجون يعني - [00:53:48](#)

من الاخلاق السيئة ايضا الافراط في المزاح قبل الالتزام كان الاخ ما شاء الله ايه فكاهة المجلس. يقعد مع اصحابه يموتوا على نفسهم من الضحك بعد الالتزام برضو هو نفس الياه؟ نفس المشكلة وفكاهة المجلس برضو - [00:54:01](#)

طول الوقت هزار هزار بقى تقيل يعني. مع ضحك شديد. كثرة الضحك النبي عليه الصلاة والسلام قال اياكم وكثرة الضحك ان كثرة الضحك تميمت القلب. تميمت القلب. المقصود بالضحك اللي هو بصوت يعني. ففي فرق بين التبسم والضحك. النبي عليه الصلاة والسلام ما رؤيا الا متبسم - [00:54:21](#)

لكن ما كانش بيضحك بصوت. فيه واحد كده بيضحك تحس انك طرزان مش يعني ايه بتتعامل مع وعي شيتا يعني مش عادي يعني ايه ايه ده! ده شوية فاضل شوية واحد دحرج على الارض. من ضحك يعني اتقلب على ظهره. لأ مش كده. يعني النبي عليه الصلاة والسلام بيقول لك مسلا الصحابي لما يوصف يقول ايه؟ فضحك النبي - [00:54:42](#)

حتى بدت نواجهه. ياه ده ضحك جامد جدا. لو ضحك لغاية ما سنانه اللي ايه؟ بعد الانياب دي بانث كمان. يعني اذا عادة النبي صلى

الله عليه وسلم كان يتبسم تبسم هادئ يعني - 00:55:03

يا يوم ما يعني الموضوع فعلا بيضحك. يعني يضحك يروح فارد ايه؟ فارد نفسه كده شوية. لكن ممكن يقهقه صلى الله عليه وسلم بالطريقة اليايه؟ اللي تزهب المروءة دي دي حاجة ان كثرة الضحك يعني تنافي تنافي اليايه؟ يعني المفترض الملتزم لا يكثر من هذا النوع من الضحك. الحاجة الثانية اللي هي المشكلة اللي هو - 00:55:13

نوع الهزار بقى نفسه. نوع الهزار نفسه ان في كارسة في الهزار بتاع الملتزمين بالزات ايه هو الاخ قبل الالتزام كان ايه هو الحاجات اللي في دماغه؟ شوية افلام على شوية مسلسلات على شوية اغاني فيوم ما بيضرب افيهات ايه؟ بيحب حته من فين - 00:55:33 حته من اغنية حته من هنا بيضحك الناس وخلاص. لكن بعد الالتزام ايه اللي في دماغه دلوقتي عقيدة على توحيد على آيات على احاديث على صحابة على رسل. المشكلة لما بيحي يهزر ممكن يروح مهزر بالحاجات ديت - 00:55:51

يهزر يروح هاي الاية في نزار كده عادي بيهزر يروح حته من حديس يهزر يروح جايب اسم صحابي في النص. انا عندي تهزر الهزار القديم احسن من الهزار دوت. الهزار القديم كبيره كان كان - 00:56:09

كان من الكبائر الهزار الجديد دوت كفر بالله جل وعلا يبقى الاخ ملتزم وبيكفر قدامك مش مصدق ازاى ازاى واحد ملتزم تجرأت انك تقول اية وانت بتهزر ولئن سألتهم ليقولن انما كنا نخوض ونلعب. قل ابالله واياته ورسوله كنتم تستهزئون؟ لا تعتذروا قد كفرتم. الاخ لما - 00:56:27

يبقى دماغه خلاص طلعت الافلام والمسلسلات واتحط مكانها علم يبقى هزاروا خطر جدا. لما تهزر اياك استعمل اية حديث رسل صحابة حكم فقهي حلال حرام اياك جنب النقطة ديت والا هزارك - 00:56:52

انفع للشيطان ده من هزارك القديم. هو يسعد بهزارك دوت اكثر من الثاني. ان هزارك الجديد ده كفر. هزارك القديم كان معصية بس خطر جدا هزار الاخوة دوت المواضيع صعبة الصراحة. اه ده انتم مشاكلكم كتير قوي - 00:57:10

من المشاكل المواعيد مواعيد الاخوة الله كلمة بتديك انطباع سيء على طول مواعيد الاخوة دمار بقى. مواعيد مثنى ابن حارثة الشيباني يقول لان اموت عطشا احب الي من ان اخلف موعدا - 00:57:33

قال تعالى عن اسماعيل انه كان صادق الوعد وكان رسولا نبيا. ايه دي؟ دي اول صفة اتوصف بها انه كان صادق الوعد. وكان رسولا نبيا وكان يأمر اهله بالصلاة. اول حاجة اتقالت عن اسماعيل ايه؟ كان صادق الوعد - 00:58:01

عايز ملتزم بجد لازم تكون صادق الوعد صدق الوعي ده في حاجات كتير في المواعيد بقى. مواعيد الاوقات ذلك من الحاجات يعني الخلل نوصل الحال ان احنا دلوقتي يقول لك ايه مواعيد ايه الكلام انا عايز مواعيد انجليزي - 00:58:19

معاد انجليزي خلاص ينسب دقة المواعيد الى الانجليز هم بيلتزموا فعلا بالمواعيد. ده شيء طيب مسار مواعيد المسلمين خلاص ما بقتش ايه؟ ما بقتش تعتبر اصلا. ليه وصلنا للحال ده؟ احنا اللي عملنا في كده - 00:58:38

ماشي المسلم انا عايز الكافر يقول لك عايز مواعيد مسلمين. مواعيد ملتزمين مش عايز مواعيد كفار المسل عندنا بيتضرب بالايه؟ بالعكس الاخ يستلف الكتاب ما بيرجعوش. الاخ بيبقى مديون للناس ومعه ويسدد في وقتها ويتقاعس ويكسل وما يروحش ولما يسألوا - 00:58:57

الفلوس هديها لهم ويعزبهم على ما يديهم الفلوس. فضلا عن المواعيد بقى اللي هي مواعيد مهمة ميعاد في درس معاد في في في حاجة ناس مستنياك في حاجة تقضى تتخلف او تتأخر - 00:59:19

تؤدي الى افساد اعمال كتير بسبب اليايه؟ اشكالية المواعيد ديت ادي مصيبة من مصايب اليايه؟ من مصائب الزمان من الخلل ايضا في الاخلاق ان بعد الالتزام الاخ بيتدي يحب المدح والثناء زي زمان. كان يحب دايم الناس ايه؟ يقولوا عليه يعني - 00:59:31

والبنات يتكلموا عليه والولاد يتكلموا عليه. يحب هو يبقى ايه مصيب كده في الشلة دايم بعد الالتزام وهو بيحب كده برضو بيحب الصيت سارت كل اعماله ليس لها قيمة. انه بيتغي بها رؤية الناس - 00:59:54

يحب قوي الناس تتكلم عليه. يحب يتقال عليه شيخ. يحب يتقال عليه كزا. يحب حتى ينسب له ما ليس فيه. يعني الناس تفتكره

مسلا قوام وهو مش قوام. ناس تفتكره صوام - [01:00:09](#)

هو مش صوام ولا حاجة. هو بيستأنس بالحاجات ديت كان رجل من السلف اذا مدح كان يغضب وكان يقول اللهم اجعلني خيرا مما يظنون فاغفر لي ما لا يعلمون. واغفر لي ما لا يعلمون - [01:00:19](#)

وكان احدهم يثني على الامام احمد. فقال له انكم لن تزالوا بالمرء حتى تهلكوه. لن تزالوا بالمرء حتى تهلكوه يعني ارحمونا يعني ما ينفعش كل المديح ده كفاية فكان السلف يكرهون المديح - [01:00:34](#)

ولا يطلبون الثناء ولا يحبون الثناء. تمام؟ لذك الفضيل ابن عياض يصف حال القوم يقولون بيقول كانوا لا يحبون المديح والثناء ولا يحبون ان يذكروا بين الناس. وما يضرهم الا يذكروا بالمدح بين الناس - [01:00:49](#)

اذا كانوا عند الله من الممدوحين فمن احب ان يذكر لم يذكر ومن احب الا يذكر ذكر. كلام عالي قوي. يقول وما ضرهم الا يكون بين الناس من الممدوحين يكفيهم انهم عند الله من الممدوحين. فمن احب منهم ان يذكر لم يذكر. يعني ربنا بيموت زكره - [01:01:11](#) ومن احب منهم الا يذكر زكر. ربنا بيبقي زكره. زي اويس القرني كده اختفى ما حدش بيعرف سكته ابدًا زُبقي زُبقي. رغم ذلك بقيت صراط العثر الى يومنا هذا. كتير بقى من اللي بيجبوا السناء - [01:01:39](#)

موت الله سبحانه وتعالى زكرهم من اخطر الاخلاق السيئة. خد بالك الاخلاق السيئة ما بتبانش خالص عند حالة الرضا انسى ما تحكمش على واحد وهو راضي انما تحكم عليه عند الايه؟ عند الغضب. لذلك كان بعض السلف اذا اراد انه يعرف فلان ده ينفع صاحبه ولا لا كان يغضبه - [01:01:55](#)

فاذا انصفه صاحبه تمام؟ لو بقى كويس وهو بيغضب. والنبي عليه الصلاة والسلام كان يقول ايه؟ واسألك كلمة الحق فين؟ في الغضب والرضا. في الغضب والرضا ان اصعب كلمة حق تقولها في الايه؟ في الغضب وليس في الرضا. تمام؟ فالاخلاق الحقيقية انما تظهر عند الغضب - [01:02:22](#)

وليس عند الرضا. عمر ابن عبدالعزيز كان خليفة المسلمين. فيه واحد شتمه هو خليفة المسلمين. وممكن يحرقه في مكانه ولو الخليفة انتقم هينتقم اكثر من ليه؟ من اللي حصل فيه طبعًا. فرد على الراجل قال اردت ان تستفزني بعز السلطان. اردت ان - [01:02:44](#) تستفزني بعز السلطان لتنال مني يوم القيامة اكثر مما اتال منك اذهب رحمك الله. انا مش هرد عليك. الامام الشعبي شبه رجل الامام الشعبي سبه رجل فقال اللهم ان كنت صادقًا غفر الله لي - [01:03:06](#)

وان كنت كاذبًا غفر الله لك. خلص الموضوع. خلص الموضوع انت بقى واحد شتمك هتعمل ايه هتعمل واجب. هتعمل الواجب. هتروح رادد عليه. هيروح يقول لك ايه يا شيخ! شيخ وبتشتم - [01:03:30](#)

باقول له شيخ مين يا ولا؟ دي فوتوشوب على فكرة. احلقها لك انا دلوقتي. شيخ مين انا مش شيخ! عارف ايه في ناس ايه تتحول كده ويبتدي بقى ايه - [01:03:56](#)

حاجات بقى مش كويسة. اصوات بقى من مكان غريبة تطلع. وبعد كده بقى تمام وبعد كده صاحبنا الحمد لله يطلع منتصر تماما من هذه المعركة. فلم يبق من ديني الا اللحية. هي دي اللي فاضلة في دينه لغاية دلوقتي - [01:04:10](#)

كل حاجة راحت في هذه المعركة الكلامية بعد كده يروح يلحق صلاة المغرب في الجماعة في الصف الاول تكبيرة احرام. يطلع البيت يقعد على الفيسبوك بوست الشقاوة فينا بس ربنا اللي هاديننا. يا واد يا مؤمن والله ما يصحش كده يعني - [01:04:33](#)

في ناس كده عمر ابن زر سبه رجل. بس هو سمع يعني سمع وصل له ان فلان بيشتك يعني تقابله في الشارع تخيل بقى يعمل فيه ايه؟ انما الدليل على حضرة وبئس وبتاع سلم عليه قال يا فلان اتق الله فينا. واجعل - [01:04:57](#)

الصلح موضعا. يعني لما تشتمني ما تتكاش قوي يعني. عشان لما اجي اصالحك الاقي الاقي نفسي طيبة ان انا اصالحك يعني. قال اتق الله فينا. واجعل للصلح ما تتكاش قوي اشتهم بس ايه يعني مش قوي يعني عشان لما اصلي لما تيجي تقول لي اتأسف اقبل يعني. فاني لن اكافي - [01:05:18](#)

من عصى الله في بافضل من ان اطيع الله فيه اخلع بقى واحد ثاني من السلف واحد شتمه فارسل اليه هدية كتب عليها سمعنا انك

اهديت اليك حسناتك. اهديت اليها حسناتك. شكرا. حلو كده - [01:05:37](#)

دمروا نفسيا فالايه الاخلاق انما تظهر عند الايه؟ عند الغضب. مش كده اخر حاجة سريعا المعاملات المادية. ده بقى موضوع ذو

شجون وطول شرحه. لكن بقى المعاملات المادية سيئة جدا بين الايه؟ بين ملتزمين - [01:05:55](#)

اغلب بيقول لك ايه لما تيجي تعمل شركة ابعد عن الاخوة. ابعد عن الاخوة. ليه؟ لا لا لا لا هيقول لك بقى التمس لي عزز مش التمس لي عزز والحق هيخش حلال بقى مش هتخلص معهم. مش هتخلص معهم. ابعد عن الاخوة. ما بيلتزموش ابدًا. ليه كده؟ ليه السمعة

كده - [01:06:12](#)

ليه كده؟ اكبر اية في القرآن في معاملة. يا ايها الذين امنوا اذا تداينتم بدين الى اجل مسمى فاكتبوه. اكبر اية في القرآن فيها عناية

غير عادية ازاي المعاملة دي مش من الدين يعني - [01:06:32](#)

اهم من اهم الاشياء في الدين هذه القضايا الايه؟ قضايا المعاملات. فاللامبالاة في استعمال اموال الناس واللامبالاة في التجارة باموال الناس واللامبالاة في مراعاة مصالح الناس عند الشراكة وعند البيع وعند الشراء هذا من اخطر الاشياء. ويل للمطففين الذين اذا

اكتالوا على الناس يستوفون. واذا كالوهم او وزنوهم - [01:06:47](#)

يخسرون. قال رجل عمر زكى شخصا فقال هل تعرفه؟ قال نعم. قال هل سافرت معه؟ قال لا. قال هل عاملته بالدرهم والدينار؟ قال

قال اذا لا تعرفه. فلان ملتزم. مين قال لك انه ملتزم؟ تاجرت معه - [01:07:07](#)

اتعاملت معه بالفلوس يبقى انت ما تقدريش تقول الملتزم ولا مش ملتزم الا لما اتعامله بالايه؟ بالفلوس. الخلاصة يعني حاولت كده

اجمع شتات الموضوع ده لانه الموضوع صعب جدا. عندنا امراض ضخمة جدا يا اخواني في الالتزام. بعد كل ده وبتقول ان احنا

ملتزمين. لا ده لسه بدري - [01:07:23](#)

طالما احنا قلنا اساس الخلق ده اساس في الطريق الى الله. ما ناخده صح ونسلكه صح ونلتزم به صح اخيرا اهم نوعين من الناس

تطلع فيهم حسن الخلق كله. اتنين - [01:07:40](#)

زوجتك وابوك وامك. دول اهم اتنين صنفين من الناس لان الاخوة حتى في التطبيق اللي بيطبق بيركز قوي على كل الناس ويبتدي

يهمل الاتنين دول. الزوجة خيركم خيركم لايه؟ لاهله. والاب والام - [01:07:57](#)

ما تنساش اللي ما تنساش النصيحة ديت. عايز تتاجر مع ربنا بحسن الخلق ركز على الاتنين دول الاول. وبعد كده ايه؟ طلع الباقي

للايه؟ للناس. وده في الغالب هيكون موضوع المرة القادمة هو ازاي تعامل مع اهلي بعد الالتزام؟ دي مشكلة كبيرة عند الناس. ازاي

اتعامل مع اهلي؟ حتى لو هم رافضين التزامي تعامل معهم ازاي؟ خلينا ايه؟ مرة - [01:08:15](#)

قديم هنتكلم فيه جزاكم الله خيرا - [01:08:35](#)